



Dalës-Izjava

Nr. 1-22

Data 04.02.2022

Bt.

Dafin



Republika e Kosovës
Republika Kosovo - Republic of Kosova
Qeveria - Vlada - Government

Kuvendi Komunal Obiliq - Skupština Opštine Obilić - Municipality Assembly Obiliq

Në mbështetje të nenit 12.2, pika d) të Ligjit për Vetëqeverisjen Lokale nr.03/L-040, (Gazeta Zyrtare nr.28 të dt.04.06.2008), nenit 44.1 dhe 47.3, të Statutit të Komunës, nenit 39 të Rregullores së punës së Kuvendit, Kuvendi komunal në mbledhjen e mbajtur me dt.31.01.2022, mori këtë:

VENDIM PËR

1. Dhënien në diskutim publik të Draft Rregullores për subvencionimin e energjisë elektrike dhe caktimin e kuotës më të ulët për çmimin e energjisë elektrike në zonën e rrezikuar mjedisore në Komunën e Obiliqit.
2. Ky vendim hyn në fuqi 15 ditë pas regjistrimit në zyren e protokolit të MAPL-së, si dhe 7 ditë pas publikimit në web faqen e Komunës.

T'i dërgohet
-Kryetarit
-Kryesueses
-Nënkryetarit
-DAP
-MAPL
-DSHPE
-Anëtarëve të KK
-Arkivit



Kryesuesja e Kuvendit Komunal

Vlora Mjekiqi Kabashi



REPUBLIKA E KOSOVËS
REPUBLIKA KOSOVA
REPUBLIC OF KOSOVO



KOMUNA E OBILIQIT-KOSOVË
OPŠTINA OBILIĆ – KOSOVO
MUNICIPALITY OF OBILIQ - KOSOVO

Draft

**RREGULLORE (KO)NR. ____/2022 PËR SUBVENCIONIMIN E
ENERGJISË ELEKTRIKE DHE ÇAKTIMIN E KUOTËS MË TË ULËT
PËR ÇMIMIN E ENERGJISË ELEKTRIKE NË ZONËN E RREZIKUAR
MJEDISORE NË KOMUNËN E OBILIQIT**

Janar 2022, OBILIQ

Në pajtim me Nenin 12, paragrafi 2, pika c të Ligjit Nr. 03/L-040 për vetëqeverisjen lokale nenit 17, nenit 8,pika 2.1 e Ligjit Nr.05/L Për Zonën e Rrezikuar të Obiliqit si dhe nenit 37, pika 1.19 të Statutit të Komunës së Obiliqit, 01. nr.34 të datës 25/04/2016, Kuvendi i Komunës në mbledhjen e mbajtur me dt. -----, miratoi këtë:

**RREGULLORE PËR SUBVENCIONIMIN E ENERGJISË ELEKTRIKE DHE
CAKTIMIN E KUOTËS MË TË ULËT PËR ÇMIMIN E
ENERGJISË ELEKTRIKE NË ZONËN E RREZIKUAR MJEDISORE NË KOMUNËN E
OBILIQIT**

I.Dispozitat e përgjithshme

Neni 1

Qëllimi dhe Fushëveprimi

1. Me këtë rregullore përcaktohen kushtet, kriteret dhe procedurat të cilat i mundësojnë Komunës së Obiliqit subvencionimin e energjisë elektrike dhe një kuotë më të ulët të çmimit të energjisë elektrike.
2. Kjo rregullore zbatohet për banorët e përhershëm të cilët jetojnë dhe veprojnë në komunën e Obiliqit sipas Ligjit për Zonën e Rrezikuar Mjedisore të Obiliqit dhe rreth tij.

Neni 2

Përkufizimet

1. **Shprehjet e përdorura në këtë rregullore kanë këtë kuptim:**
 - 1.1. **Banorë** - Banorët e përhershëm që jetojnë në zonën e rrezikuar;
 - 1.2. **Zona** - Zona e rrezikuar mjedisore e Obiliqit dhe rreth tij;
 - 1.3. **Komuna** - Komuna e Obiliqit
 - 1.4. **Ministria** – Ministria përgjegjëse për Mjedis dhe Planifikim Hapsinor;
 - 1.5. **Qeveria** - Qeveria e Republikës së Kosovës

1.6. ZRRE - Zyra e Rregullatorit të Energjisë

1.7. KEDS - Kompania Kosovare për Distribuim dhe Furnizim me Energji elektrike SH.A

Neni 3

Ndarja e buxhetit

1. Qeveria e ndan një shumë të caktuar të mjeteve buxhetore duke u bazuar në Ligjin për Zonën e Rrezikuar Mjedisore të Obiliqit dhe rreth tij, ku një pjesë nga ky buxhet është destinuar për Subvencionimin e Energjisë Elektrike.

Neni 4

Bashkëpunimi

1. Komuna e Obiliqit për realizimin e kuotës më të ulët të çmimit të energjisë elektrike për banorët e komunës, bashkëpunon me ZRRE- Zyrën e Rregullatorit të Energjisë Elektrike për zbatimin e nenit 8 pika 2 dhe 2.2 të Ligjit Nr.05/L-044 .
2. Komuna e Obiliqit për realizimin e Subvencionimit të energjisë elektrike për banorët e komunës së Obiliqit, bashkëpunon me KEDS-Kompania Kosovare për Distribuim dhe Furnizim me Energji Elektrike SH.A.

Neni 5

Rregullat e përgjithshme të ndarjes buxhetore

1. Komuna mund të Subvencionoj në shpenzimin e energjisë elektrike të banorëve të Komunës, dhe, të caktojë një kuotë më të ulët të çmimit të energjisë elektrike në zonën e rrezikuar mjedisore.
2. Kjo kuotë përfshin tërë banorët e komunës së Obiliqit që hynë në rrezën ajrore deri në pesëmijë (5.000) metra nga pika në mes të dy termoelektraneve në Obiliq (Kosova A dhe Kosova B).
3. Subvencionimi përcaktohet në bazë të shpenzimit totale të konsumit të energjisë në Komunën e Obiliqit duke e llogaritur në përqindje me shumën e mjeteve të ndara për Subvencionimin e Energjisë Elektrike.

Neni 6

Transparenca

1. Komuna publikon në web faqen zyrtare të komunës çmimin total të shpenzimit të konsumit të energjisë elektrike nga ana e qytetarëve të komunës së Obiliqit të cilët përfshihen në subvencionin e energjisë elektrike dhe përqindjen e kuotës më të ulët të çmimit.

Neni 8

Formimi i komisionit

1. Kryetari i Komunës emron një komision për verifikimin e shpenzimit të energjisë elektrike për subvencionim dhe kuotës së çmimit për banorët e Komunës së Obiliqit, në bashkëpunim me ZRRE-në dhe KEDS-in.
2. Komisioni do të veproj në pajtim me parimet e përgjithshme të ligjshmërisë dhe konform autorizimeve, që jepen nga Kryetari i Komunës.
3. Përbërja e Komisionit duhet të jetë prej 3-5 anëtar, me përfaqësues nga komuna, ZRRE, KEDS etj.
4. Përbërja e Komisionit duhet të bazohet mbi parimin e barazisë gjinore.
5. Anëtarët e Komisionit për verifikimin e shpenzimit dhe të kuotës më të ulët, mbajnë përgjegjësi dhe i raportojnë kryetarit të komunës.

Neni 9

Arritja e marrëveshjes

1. Për realizimin e subvencionimit të energjisë elektrike dhe kuotës më të ulët të çmimit të energjisë elektrike për banorët e Komunës së Obiliqit, duhet të arrihet marrëveshje në mes të Kryetarit të Komunës, ZRRE-së dhe KEDS-it, me të cilën përcaktohen të drejtat dhe detyrat në mes të palëve.
2. Marrëveshja duhet të përcaktojë subjektet nënshkruese të marrëveshjes, qëllimin, shumën e mjeteve financiare, afatet kohore, detyrat dhe përgjegjësitë e palëve, mbikëqyrjen, raportimin, hyrjen në fuqi si dhe pjesë tjera relevante për marrëveshjen.

Dispozitat kalimtare dhe përfundimtare

Neni 10 Zbatimi i rregullores

1. Zbatimin e kësaj rregullore nën mbikqyrjen e Kryetarit të Komunës e bëjnë: Drejtoria Për Ekonomi, Financa dhe Zhvillim si dhe Drejtoria e Shërbimeve Publike.
2. Në rast të konfliktit të dispozitave të kësaj rregullore dhe dispozitave të ligjeve në fuqi, do të aplikohen dispozitat e këtyre të fundt.

Neni 11 Hyrja ne fuqi

Kjo rregullore hyn në fuqi 7(shtatë) ditë pas publikimit të rregullores në web faqen zyrtare të komunës së Obiliqit.

Nr. _____

Data: _____